

Фиқх дарслари (214-дарс) Сутра ҳақида

Image not found or type unknown



19:00 / 19.01.2023 4263

Энди намозда сутра масаласига оид матнларни ўрганамиз.

Кичик масжидда намозхоннинг олдидан ўтиш ила гуноҳкор бўлинади.

Бу ҳукмга қуйидаги ҳадиси шариф далилдир:

نَعُ، نَعُ، نَعُ هَلْ لَ اِيضَرَ مَيَّ هُجَّ يَبَّأُ نَعُ
مَلَسُو هِي لَع هَلْ لَ اِي لَصَّ يَبُّ نَلْ ا
يَدَيَّ نَيَّ بُّ رَامْلُ ا مَلَعَيَّ وُلَّ «: لَاق

نَا نَا كَلَّ هَيْلَعِ اِذَا مِ يَّ لَ صُمُّ لَ ا
رُمِّي نَا نَا نَمُ هَلْ اَرِي خَ نِي غَبْرًا فِقِي
اَل رُضُّ نَا وُبَا لَ ا ق . « هَيْ دَي نِي ب
وَا اَرَهَشْ وَا اَمُ وِي نِي غَبْرًا لَ ا ق ي رَدَا
ة سَمَّ خُ لَ ا هَا وِر . ة نَس .

Абу Жухайм розияллоху анхудан ривоят қилинади:

«Набий соллаллоху алайҳи васаллам:

«Агар намозхоннинг олдидан ўтувчи киши ўзига нима (гуноҳ) бўлишини билганида эди, (намозхоннинг) олдидан ўтишдан кўра қирқ (йил, ой, кун) тўхтаб туриш унинг учун яхшироқ бўлар эди», дедилар».

Абу Назр (ҳадисни Бусрдан ривоят қилган ровий:) «Қирқ кун» дедими, ёки «ой», ё «йил»ми, билолмадим», деган».

Бешовлари ривоят қилишган.

Аmmo ундан бошқа жойда саждагоҳига назар солиб ўқиётган намозхоннинг кўзи етадиган жойдан ўтган гуноҳкор бўлади.

Бу ҳолатда кўзи етадиган жой сажда қиладиган жой бўлади. Буни кўпчилик уламолар таъкидлаганлар.

Агар намозхон дўкон устида ўқиётган бўлса ва олдидан ўтаётган одамнинг аъзоси аъзоларига тенглашса, ўтувчи гуноҳкор бўлади.

Бундаги «дўкон»дан мурод, қадимда савдогарлар растада ўзлари ўтириб, атрофига савдо молини ёйиб қўядиган сўри – каравотлардир. Уларнинг баландлиги ҳар хил бўлган. Агар дўкон соҳиби каравотнинг устида намоз ўқиётган бўлса-ю, унинг олдидан ўтувчининг бўйи дўкондан паст бўлса, ўтувчи гуноҳкор бўлмайди, акс ҳолда гуноҳкор бўлади.

Буларнинг ҳаммаси намозхоннинг икки қошидан бирининг тўғрисига санчиб қўйилган бир аршин узунлигидаги ва бармоқ йўғонлигидаги сутраси бўлмаган ҳолатдадир.

«Сутра» деганда намозхоннинг олдидан бирор нарса ўтмаслиги учун қўйилган тўсиқ тушунилади.

«Сутра»ни ҳанафий ва моликий мазҳаблари мандуб, шофеъий ва ҳанбалий мазҳаблари мустаҳаб, деганлар.

Девор, устун, найза, асо, бошқа бирор нарса сутра бўлиши мумкин. Ҳеч нарса топилмаса, битта чизиқ чизиб қўйилса ҳам бўлади. Мақсад, намозхоннинг олдидан бирор нарса ўтиб, кўнглини бузмасин, хусусан, шайтон васваса қилмасин.

نَعُ، هُنَعُ هَلَلَا يَضَرَّ عَ حَلَطُ نَع
مَلَسُو هَيْلَعُ هَلَلَا يَلْصُقُ بِنَلَا
هَيْدَي نَيْبُ مَكُذَحْ أَعْضَو إِذَا: لَلِاق
الْو، لَصُقُ يَلْفَلُ حَلَلَا عَرُخُومَ لَثِم
هَأُور. «لَلْ ذَأَرُورَمُ نَمَلْ أَبُي
يُذِمُّرَّتْ لَأُورِ دُورَادُ وَبَأُورُ مَلْسُومُ

Толҳа розияллоҳу анҳудан ривоят қилинади:

«Набий соллаллоҳу алайҳи васаллам:

«Қачонки бирингиз олдига эгар суянчиғичалик нарсани қўйса, унинг ортидан ким ўтганига эътибор бермасдан намозни ўқийверсин», дедилар».

Муслим, Абу Довуд ва Термизий ривоят қилишган.

يَضَرُّ دَوْسَ الْإِنْبِ دَاذِقِمْ لَانَع
لَوْ سَرُّتِي أَرَامَ : لَأَقُ هُنَعُ هَلْ لَانَع
مَلَسُو هِيَلَعُ هَلْ لَانَع لَصِ هَلْ لَانَع
أَلَوْ دَوْمَعُ أَلَوْ دُوَعُ يَلِ يَلِ صِي
هَبِجَاحُ يَلَعُ هَلَعُ جَالِ إِهْرَجَش
هُلْ دُمُ صِي أَلَوْ رَسِي أَلِ وَأَنْ مِي أَلِ
دَمَحْ أَوْ دُوَادُ وَبَأْ هَاوَرُ . أَدْمَصُ

Миқдод ибн Асвад розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг бир шохга ёки устунга, ёхуд дарахтга қараб намоз ўқиётганларини кўрсам, албатта, ўша нарсани ўнг ёки чап қошларининг тўғрисига олиб ўқиётганларини кўрдим. У нарсага тўппа-тўғри турмас эдилар».

Абу Довуд ва Аҳмад ривоят қилишган.

Имомнинг сутраси кифоя қилади.

نَا : أَمْ هُنَعُ هَلْ لَانَع يَضَرُّ رَمُعِ نَبَانَع
مَلَسُو هِيَلَعُ هَلْ لَانَع لَصِي بِنَانَع
يَلِ صِي فُ هَلْ رَحْ لَانَع هَلْ زَكُرِي نَاك
يَزِمُّ رَتْلَانَع إِهْرَجَشْ هَاوَرُ . أَاهِي لَانَع

Ибн Умар розияллоху анҳумодан ривоят қилинади:

«Набий соллаллоху алайҳи васалламга калта найза санчиб бериларди ва у зот ўшанга қараб намоз ўқир эдилар».

Бешовларидан фақат Термизий ривоят қилмаган.

Саҳобалардан бири «ҳарба» ёки «аназа» деб аталадиган калта найзани кўтариб юрар эди. Очиқ жойларда намоз ўқиладиган бўлса, уни Пайғамбар соллаллоху алайҳи васалламнинг тўғриларига санчиб қўйиларди. Ўша найза тўсиқ вазифасини ўтар эди. Имомнинг тўсиғи қавмга ҳам тўсиқ ҳисобланарди.

Ўтиш эҳтимоли ва йўл бўлмаганда уни тарк этиш жоиздир.

Намозхоннинг олдидан бирор нарсанинг ўтиш эҳтимоли бўлмаса, намоз ўқиладиган жой йўл бўлмаса, сутра қўймай намоз ўқиса ҳам бўлади.

يَضْرِبُ سَابِعَ نَبِيٍّ لُضْفُلًا نَعِ
لُؤْسَرًا نَاتًا: لَأَقَامُهُ نَعُهُ لَلَا
مِلْسُو هِيلَعِ هَلَلَا يِلْصِ هَلَلَا
سَابِعُهُ عَمَّوَانَلِيَّةَ دَابِيٍّ فُنْحَانُو
نَبِيٍّ سَيْلَاءَ رَحِصِيٍّ لَصَفِ
عَبْلَكَوَانَلِيَّةَ رَامِحُو، عَرْتُسْ هِيَدِي
يَلَابِ أَمْفِ هِيَدِي نَبِيٍّ نَاتَبُعَت
دُوَادُ وَبَأْ هَاوْرَ كَلَذِ

Фазл ибн Аббос розияллоху анҳумодан ривоят қилинади:

«Сайхонликда турганимизда ҳузуримизга Расулуллоҳ соллаллоҳу алайҳи васаллам келдилар. Аббос у зот билан бирга эди. Бас, у зот саҳрода намоз ўқидилар. Олдиларида сутра йўқ эди. Бизнинг урғочи эшагимиз ва бир ит олдиларида ўралашиб юрарди. У зот эътибор қилмадилар».

Имом Абу Довуд ривоят қилган.

Агар сутра бўлмаса ёки ўтувчи намозхон билан сутрасининг орасидан ўтса, (намозхон уни) тасбеҳ ёки ишора билан қайтаради.

يٰۤاَيُّهَا الَّذِيْنَ طُقِرُّ دَلَاوِ كَلِّ اَمَّوْ دُوَادِ يٰۤاَيُّهَا الَّذِيْنَ
اُوْاْرِدَاوْ، عِيْشَةَ اَلصَّلَاةِ طُقِيَ اَلْ
وَهُ اَمَّنْ اِفٍ، مُتَّعَتْ سَا اَمَّ
«نَا طِيْ ش».

Абу Довуд, Молик ва Дора Қутнийнинг ривоятида:

«Намозни ҳеч нарса кесмайди. Қудратингиз етгунча қайтаринг. Бас, у шайтондан бошқа нарса эмасдир», дейилган.

Яъни, бу «Намоз ўқиётганингизда олдингиздан ўтувчини қудратингиз етганича қайтаринг, у шайтондан бошқа нарса эмасдир», деганларидир. Бу қайтариш намозхоннинг «Субҳаналлоҳ!» деб тасбеҳ айтиши ёки ишора қилиши билан бўлади. Аёл кишилар эса ўнг қўлини чап қўлига уриб, овоз чиқариш ила қайтарадилар.

«Кифоя» китобининг биринчи жузи асосида тайёрланди